

有案現擬量爲推廣以裕旗人生計請嗣後旗人有願出外營生者無論降革休致文武官員及未食錢糧本食錢糧舉貢生監暨兵丁閑散人等准由該都統給照前往如願在外省落業准其呈明該州縣編爲旗籍其服官外省之降革休致文武各員及病故人員之子孫親族人等無力回京者亦准一體辦理所有詞訟案件統歸該州縣管理如有不安本分滋生事端者卽由該地方官照民人一律懲治其願入民籍者卽編入該地方民籍各等語所籌尙屬周妥卽著八旗都統將此次推廣辦法逐節出示曉諭俾衆咸知以裕生計而示體恤等因欽此是原奏所陳早經籌辦今應申明成例通行各衙門遵照辦理又片奏退伍漢兵同時安插墾種查各省募兵其經遣散者大都逗遛外省不回本籍卽使招墾未必樂赴將來徵兵期滿其退伍者或以家無生產願就屯墾應由該省督撫酌量設法安插以廣

皇仁而固軍志謹 奏奉 旨依議欽此

會議政務處奏議覆陝甘總督升奏青海緩建行省先行試墾摺

本年十一月十一日准軍機處鈔交陝甘總督升允奏青海緩改建省先行試墾一摺奉 硃批會議政務處議奏欽此臣等覆核該督原奏歷陳青海地方情形首舉建省之難次言試墾之利並援引前兩廣督臣岑春煊原奏不必徒侈改制之名而當先盡振興之實

內 務

會議政務處奏議覆陝甘總督升奏青海緩建行省先行試墾摺

一百五十五

戊申

內 務

會議政務處奏議擬陝甘總督升奏青海邊境行省先行試墾摺

一百五十六

三月

不必大耗度支之力而當先謀生殖之圖等語自屬因地制宜實事求是之意竊維繕完邊圉卽所以鞏固屏藩況今世界交通商戰農戰各擅勝場關地殖民無非徹土綢繆之計青海南連川藏北界新疆設竟張大規模又非財政充盈之際本年六月間青海辦事大臣慶恕奏陳設官立學駐兵三策綱維既極極詳明條理亦尙完密惟機宜坐失固慮後時凌躐以圖亦殊非計該地蠻荒沙漠部族雜居論開化則尙未及時言利益則只知游牧若欲遽建行省不獨風俗制度未易強同且恐設官而民無定所鈐束維艱興學而人無所知開通不易卽謂添設重鎮先固邊疆而遷內地之兵轉運之費太鉅用彼族之衆簡練之術未精矧以建築之資餉需之用一切取給浩繁當此庫帑支絀之時協餉不足之際更覺難於籌撥似不如准照該督所奏先行試墾一節較爲切實易行迨至蒙番一心振興實業再爲徐議建置庶幾地利出而兵可以養學可以興因以設官分職劃地而治較得先後緩急之序也至於該處形勢應如何詳細繪劃分區域聯合部落使無互相侵越疑阻之嫌以及選擇理科農科畢業學生使爲該處人民指引教導講求地質之學暨一切籌款布置招募勸導之法應請 飭下西甯辦事大臣會同該督臣和衷商權詳訂章程奏請施行謹 奏奉

旨依議欽此